

Disgusta cu decision di Banco Central:

Eliminacion di moneda di 5 florin tin efecto riba comercio y consumidor

ORANJESTAD (AAN) — DIARIO a ricibi reaccion di un comerciante relaciona cu e eliminacion di e decision di Banco Central di elimina e moneda di 5 Florin.

Segun e comerciante, den su negoshi por ehemplo tur moneda di 5 Florin a caba, y cada vez cu un hende cu a haci un compra chikito (un pan por ehemplo) y e ta paga cu un papel di diez Florin, e tin cu dune e cent sobra na puro placa chikito (e moneda mas grandi ta un Florin) locual ta trece hopi contratempo pe ya cu e placa chikito ta bay masha lihe tambe.

For di otro comerciantenan cu e conoce, no solamente esnan cu tin un tienda chikito di comestible pero tambe esnan cu tin supermercado y otro tipo di establecimiento,

el a tende mesun keho.

Awor ta e monedanan di cinco Florin cu ta obliga e comerciantenan busca manera pa tin placa chikito y specialmente moneda di 1 Florin na alcance di man, tur dia.

Pero e consumidor no ta keda contento tampoco di haya tanto Florin of placa mas chikito ora e haya cent sobra, y pa colmo hopi consumidor ta bin cu moneda di cinco Florin, cual e comerciante ta sinti su mes obliga di rechaza pa e simple motibo cu BC a elimina nan, y nan no tin tempo di cada bez bay banco pa entrega monedanan di 5 pa cambia pa moneda chikito. Cu otro palabra, e situacion aki tin tanto comercio como consumidor masha disgusta.



Desaparicion di 5 Florin tin efecto riba e otronan...